

**Razvojna banka Federacije
Bosne i Hercegovine
v.d. Predsjednik Uprave**

Broj: 2569-III/24
Sarajevo, 29.02.2024. godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama ("Službeni glasnik BiH", br. 39/14 i 59/22), preporuke Komisije za nabavke iz Zapisnika o pregledu i ocjeni ponuda broj: 2484-XI/24 od 27.02.2024. godine i člana 20. Statuta Razvojne banke Federacije Bosne i Hercegovine, otvorenom postupku javne nabavke za nabavku i ugradnju lifta u zgradi Razvojne banke Federacije BiH, v.d. Predsjednik Uprave Razvojne banke Federacije BiH donosi

ODLUKU

**o izboru najpovoljnijeg ponuđača u postupku javne nabavke i ugradnje lifta u
zgradi Razvojne banke Federacije BiH**

Član 1.

Prihvata se preporuka Komisije za nabavke iz Zapisnika o pregledu i ocjeni ponuda, broj 2484-XI/24 od 27.02.2024. godine i ugovor za nabavku i ugradnju lifta u zgradi Razvojne banke Federacije BiH dodjeljuje se ponuđaču „EURO PROST“ d.o.o. Gračanica, Srednja Miričina bb, 75329 Gračanica, kao najpovoljnijem ponuđaču u otvorenom postupku javne nabavke.

Član 2.

Ukupna ponuđena cijena robe iz člana 1. ove odluke, iznosi 70.000,00 KM bez PDV-a, što u konačnici, s uračunatim PDV-om, iznosi 81.900,00 KM.

Član 3.

Po okončanju roka za žalbu, ugovorni organ će s izabranim ponuđačem zaključiti ugovor kojim će regulisati međusobna prava i obaveze.

Član 4.

U skladu sa odredbama člana 70. stav (6) Zakona o javnim nabavkama, ugovorni organ će objaviti ovu odluku na svojoj web stranici www.rbfbih.ba, istovremeno s upućivanjem iste ponuđačima koji su sudjelovali u ovom postupku.

Član 5.

Ova odluka stupa na snagu danom donošenja i dostavlja se ponuđačima koji su sudjelovali u postupku javne nabavke, saglasno članu 71. stav (2) Zakona o javnim nabavkama.

OBRAZLOŽENJE

Odlukom o pokretanju postupka javne nabavke i ugradnje lifta za potrebe Razvojne banke Federacije BiH broj 14390-III/23 od 14.12.2023. godine, pokrenut je postupak javne nabavke i ugradnje lifta za potrebe Razvojne banke Federacije BiH. Javna nabavka je provedena putem otvorenog postupka javne nabavke, a kriterij za dodjelu ugovora je najniža cijena.

Procijenjena vrijednost nabavke iznosi 70.000,00 KM bez PDV-a.

Obavještenje o nabavci predmetne robe objavljeno je na Portalu javnih nabavki dana 15.12.2023. godine, broj obavještenja: 1011-1-1-495-3-74/23 (Službeni glasnik BiH broj: 86/23 od 22.12.2023.godine) i Ispravka obavještenja o nabavci broj:1011-1-1-495-8-18/23 od 06.02.2024. godine (Službeni glasnik BiH broj: 10/24 od 09.02.2024.godine)

Tenderska dokumentacija objavljena je zajedno sa navedenim obavještenjem.

Odlukom Ugovornog organa o imenovanju Komisije za nabavke Razvojne banke Federacije BiH broj 3286-III/22 od 14.03.2022. godine, Odlukom o izmjeni Odluke o imenovanju Komisije za nabavke Razvojne banke Federacije BiH broj 4111-III/22 od 29.03.2022. godine, Odlukom o izmjeni Odlukom o imenovanju Komisije za nabavke Razvojne banke Federacije BiH broj 7144-III/22 od 10.06.2022. godine i Odlukom o dopuni Odluke o imenovanju Komisije za nabavke Razvojne banke Federacije BiH broj 8822-III/22 od 21.07.2022. godine, imenovana je Komisija za nabavke Razvojne banke Federacije BiH, a kojom su definisane njene nadležnosti koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača.

Slijedom navedenog, Komisija za nabavke u okviru svojih nadležnosti i ovlaštenja je provela predmetni postupak nabavke, te o tome sačinila Zapisnik o pregledu i ocjeni ponuda u kojem je utvrđeno da su evidentirane 3 (tri) pravovremeno pristigle ponude kako slijedi:

R. Br.	Naziv i sjedište ponuđača	Datum i sat prijema ponude	Cijena ponude (u KM)	Popust (u KM)	Ukupna cijena bez PDV-a (u KM)
1.	„EURO PROST“ d.o.o. Gračanica, Srednja Miričina bb, 75329 Gračanica	13.02.2024. godine u 08:50 h	70.000,00	0,00	70.000,00
2.	„LIFTMONT“ d.o.o. Sarajevo, ul. Milana Preloga broj 17, 71000 Sarajevo	13.02.2024. godine u 09:20 h	70.000,00	0,00	70.000,00
3.	„SEUL KOMERC“ d.o.o. Sarajevo, ul. 6. Mart bb, 71240 Hadžići, Sarajevo	13.02.2024. godine u 09:30 h	69.700,00	0,00	69.700,00

Komisija za nabavke u okviru svojih nadležnosti i ovlaštenja je provela predmetni postupak nabavke, saglasno članu 65. Zakona o javnim nabavkama, sačinila je Zapisnik o pregledu i ocjeni ponuda.

Na osnovu pregleda i ocjene ponuda, ponude ponuđača „LIFTMONT“ d.o.o. Sarajevo i „SEUL KOMERC“ d.o.o. Sarajevo se odbijaju kao neprihvatljive, kako je detaljno obrazloženo u Zapisniku Komisije o pregledu i ocjeni ponuda broj: 2484-XI/24 od 27.02.2024. godine, koji je sastavni dio Odluke.

Ponuda ponuđača „EURO PROST“ d.o.o. Gračanica je ocijenjena kao prihvatljiva.

S obzirom da je tačkom 22. tenderske dokumentacije predviđeno zakazivanje e-aukcije, a da je primljena samo jedna prihvatljiva ponuda, u skladu sa članom 3 stav (3) Pravilnika o uslovima i načinu korištenja e-aukcije, e-aukcija se nije mogla zakazati, i postupak se okončava u skladu sa članom 69 Zakona o javnim nabavkama ("Službeni glasnik BiH", br. 39/14 i 59/22).

U postupku donošenja ove odluke posebno su cijenjene činjenice da je Komisija za nabavke pravilno i potpuno izvršila ocjenu kvalificiranosti ponuđača, te pregled i ocjenu ponuda, u skladu sa kriterijima iz tenderske dokumentacije.

Imajući u vidu sve prethodno navedeno, primjenom člana 64. Zakona o javnim nabavkama stav (1) tačka b) i člana 70. stav (1), (3) i (6) Zakona o javnim nabavkama ("Službeni glasnik BiH", br. 39/14 i 59/22), odlučeno je kao u dispozitivu ove odluke.

Pouka o pravnom lijeku: Protiv ove Odluke može se izjaviti žalba u roku od 10 (deset) dana od dana prijema ove Odluke, saglasno članu 97. 99. i 101. Zakona. Žalba se podnosi u najmanje 3 (tri) primjerka.



v.d. Predsjednik Uprave

Borislav Trlin
Borislav Trlin

Prilog:

- Zapisnika o pregledu i ocjeni ponuda broj 2484-XI/24 od 27.02.2024. godine

Dostaviti:

- Učesnicima u postupku